



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiae Palativm

Variis Sacrae-Scripturae Locis, Atque Septem misericordiae operibus quasi
peristromatibus exornatum


Gazaeus, Nicolaus

Augustae Trevirorum, 1618

Quod visitator aegrotum exhortari debeat ad digna[m] corporis &
sanguinis Christi susceptionem c.41.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)

ne te ob eorum multitudinem debeat de libro vitæ, æternis te addicens gehennæ cruciatibus, cum infelicissimis dæmonibus torquendum.



QVOD VISITATOR,
ÆGROTVM EXHORTARI
DEBEAT AD DIGNAM COR-
poris & sanguinis Christi sus-
ceptionem.

CAPVT XLI.

ÆGrotto itaque per Contritionem, Confessionem, & Satisfactionē, nec non per restitutionē & iniuriarum remissionem disposito, prudenter admodum eū pius visitator hortabitur, vt se ad dignam corporis & Sanguinis Domini sumptionē, per virtutum ornamenta, diuini amoris incendia, fidei fulcra & deuotionis insignia disponat & præparet, antequam tam dignum, suauem, & amabilem excipiat hospitem. Socrates quodam die inuitat^o ad nuptias, vt ijs honorabilius interesset capillis ritē conciñatis & in ordinem distributis, cal-

Psal. 48.

ceis quoque suavi fragrantia resperfis, interrogatus quare ita concinnè ornatus esset; respondit: *Vt pulcher ad pulchrum accedam.* Christus itaque nobis in hoc spirituali cibo oblatus, speciosissimus est forma patris filijs hominum. Quod si antiquitus sordes in conuiujs mortalium tanta cum sollicitudine tergebantur; quod piaculum, quodque scelus foret, tam ineffabile Sacramentum accedere, atque tam opiparo conuiuio interesse in sordibus delitescere anima Mundare ergò ad instar Socratis, ut pulcher pulchrum excipias hospitem, eius utilitatis, fructus vberes, & emolumenta quae inde emanant assidue perpendens. Quem admodum enim panis hic quotidianus quo ore sumis, vitam fouet corporalem: sic, panis hic substantialis, animæ tuæ vita esse debet, quo nullus fidelis, hac vita excedens priuandus est.

Olim manducabatur agnus Paschalis sub vesperum, ut inde fidelis edoceretur substantiam vitæ agnum sine macula corpus dico Dominicum manducare, quod quidem in corporari sibi conuenit, ut illi perfectè veniatur. Hoc unicuique necessarium ostendit prototypus noster qui antequam ex hoc Mundo migraret sacramentum illud instituit.

tuit, quod Christiani digne recipientes, nil Deo gratius, nil Christo acceptius agere possunt. Quid enim præstātius posset Deo Patri offerre migraturus ex hoc mundo, quàm corpus & sanguinem vnigeniti Filij sui? Quid iucundius filio; quàm id, quod nobis in amoris symbolum reliquerat? Paterfamilias moriturus filijs suis se ipsum relinquere vellet si posset; verum id non valens præstare illis annulum, vel lapidem prætiosum tradit, quò illius perpetuo fiant memores: At Iesus Christus maiori flagrans amore, exiens ex hoc mundo, proprium reliquit corp^o, per quod, nobis semper præsens adest, vsque ad consummationem sæculi, prout spondit. Si igitur iã moriturus & vadens ad Patrem annulum, vel amicitiae arram deferre posses, nunquid rem illi gratam præstares? Cum ergo in tua potestate sit, corpus Dominicum tecum deferre, quid obstat quo minus illud accipias? Insuper, nihil est quod ita verearis, quam intueri visiones spirituum malignorum, sume contra hos intuitus corpus Domini, nihil enim ita metuunt quam præsentiam Iudicis sui, iuxta illud Chrysostomi: *Tanquam Leones ignem spirantes ab illa mensa discedimus, facti Diabolo terribiles.* Nec ab-

Matth. 28.

Hom. 61. ad
pop.

Ee 4

simile

Ser. 3. de dedic.
Eccles.

simile est quod mellifluus Doctor D. Bernardus ait : *Habemus panem viuum corporis Domini saluatoris , in cuius fortitudine cibus omnis aduersa partis deijcitur fortitudo.* Prepara ergo domum animæ tuæ ad dignè suscipiendum talem tantumq; hospitem , qui te ab incurfionibus spirituum malignorum proteget , nec dubium , cum te tali videris ab hospite occupatum. *Cum hospitium tuum*

Super. psal.
Beati immac.

(inquit D. Ambros.) *aduersarius viderit occupatum cœlestis fulgore presentie , intelligens locum tentamenti suis interclusum esse per Christum fugiet ac recedit.* Id ipsum canit Poeta:

Arator lib. 1.
Apost. histor.

Qui corpore Iesum.

Sumpserit , hoste caret nec iam sua iura Pharao.

Agriusque tenet , mox omnia damnum arma.

His merguntur aquis &c.

Psal. 22.

Ita vt hic cibus admirabile sit propugnaculum contra malignos spiritus , sicut rectè David intellexit dum cecinit : *Parasti in conspectu meo mensam , aduersus eos qui tribulant me.* Pagani ex hoc mundo discessuri secum panem mellitum deferebant quo infernalem cerberum deluderent , donec ad elyos campos introirent , quod licet fabulosum sit , tamen Christianum sui monet officij

Suidas.

docetque eum, panem illum super substantialem habere debere, quò Dæmonis, infernalis cerberi vires elidat. Adhæc probè nosti, in mortis articulo suscipienda esse arma atque validissimè (si vnquam) decertandum contra inimicum. Quemadmodum ergo antiqui milites, se hoc viatico ante cōflictum muniebant, (vt ex gestis Constantini Imperatoris, nec non fœlicis memoriæ Pij .5 Pontificis maximi constat) ita & te aduersus inimicorū impetum eodem clypeo manire debes.

Sociat. l. 5. c. 21.

Sozom. lib. 1. cap. 8.

Quid plura? tu te peregrinationi accingis, cōuenit igitur vt viaticum tecum sumas. Antiquitus Peregrini non solum hoc se pane reficiebant antequam proficiscerentur, sed etiam persæpe secum eundem portabant ne in aliquo periculo constituti, illo fraudarētur. Ita & tu, ne deficias in via, sed roboreris ad generose proficiscendum ad montem Dei Oreb, suscipe carnē Christi in Eucharistia, eorum exemplo edoctus, qui licet sanctissimi essent & suæ penè beatitudinis certi, tamen decedere noluerunt, nisi prius corporis dominici sacramenta sumpserint. Serapion triduana ægritudine confectus, cum loquelam, perdidisset, emigrare non potuit; at vbi hoc pane salutife-

Euseb. eccles. histor. lib. 6.

Niceph. l. 8.
cap. 31.

ro fuit resectus, quasi à vinculis quibusdam absolutus, liberè mortuus est. Dum Sanctus Lucianus morti in carcere daretur, non habens altaris & sacrificij paramenta, superpectus proprium, pane benedicto, & consecrato, se, suosq; consodales refecit.

Paul. in vit:

Oratus vercellensis Episcopus hoc Sacramētum Diuo Ambrosio admonitus trina voce: *surge festina quia modo recessurus es*, administravit. D. Benedictus illud ad templum delatus, deuotissime ante exitum recepit. Nicomedes presbiter, hunc panem Sanctæ petronillæ ante mortē porrexit. D.

Marcellus
martyr. in
vii.

Dionysius à Christo corpus Dominicū suscepit. Maria Magdalenæ & Ægyptiaca illud ab Episcopis in deserto susceperunt. Sancta Lucia gutture sibi perfosso, nō prius excessit è vita, quam à superuenientibus sacerdotibus cœlesti pane cibaretur.

Michael Singelms.

Lib. 4. epist.
63.

Ex quibus omnib' facile colligere potes, quam tibi sit necessarius hic cibus, tum ad robur præstandum, tum etiã, ad protectionis auxilium. Hunc vt susciperent anteluctam martyres, admonebat Sanctus Cyprian: quod indicat his verbis: *Cum ad hoc sit Eucharistia vt possit accipientibus esse tutella, quos tutos esse contra aduersarium volumus, munimento dominica saturitatis arma-*

mus. Bonitatem igitur Sanctæ Matris Ecclesiæ intueri, quæ tantam filiorum curam gerit ut eos ante discessum pane cœlesti imperet & muniri & satiari, quo facilius ex hac seruitute ægyptiaca, transire possint in terram promissionis.

Ioannes Episcopus Leodiensis, in statutis synodalibus quæ condidit Anno domini 1441. præclare admodum & copiose docet modum quo deferendum sit hoc Sacramentum, quod longum nimis foret recensere.

Martinus 5. Pontifex Max: centum dierum largitus est indulgentiam, omnibus qui venerabile hoc Sacramentum comitantur. Quod quidem Pastores omnes ex Ecclesiæ præscripto, ægrotis deferre debent, ne eorum oves tam salubri priuentur viatico. At Calviniana non ita benigna est Ecclesia; immo verò crudelis & truculenta, siquidem, suos omnes hoc saluberrimo quod contra angelum vastatorem protegit, priuat Sacramento. Græci illud cum luminaribus deferunt. Ministri Lutherani absque vllis ceremonijs hostias suas sub chlamyde deferunt. Anglicani suos communicant ægrotos qualicumque hostia. Nouatiani neminem hoc cibo priuabant, nisi publicos & enormes peccato-

res.

res. At Ecclesia Sancta Catholica & Romana debito cum honore debitaque cum reuerentia, multis illud sacratissimum Domini corpus concomitantibus, ad ægrotos deferri ordinavit. Id in primis statuit concilium Nicenum primum, quod ex canone 13. perspicuum est, in quo præcipitur nequam hoc viaticum felicitati nostræ proficuum in vltima vitæ periodo recusetur. Id tamen Sacramentarij (qui se concilia prima sequi fatentur) nequaquam obseruant, sed ægrotos hoc cibo planè priuant, idque (vt reor & credo) eorum cæna præter bolus panis, nihil continet gratiæ, efficaciam, nec virtutis.

*Apud Euseb.
lib. 6. eccles.
hist. c. 36.*

Ideoq; hoc cibo in vltimo vitæ sine fraudantur quia nihil inest roboris. Si enim corpus Domini esse crederet, illud instantissime & geminatis precibus efflagitarent.

Postremo. In articulo mortis expedire maximè in Dei tui gratiam reuertaris, si tuæ salutis proficere velis. Hoc igitur summe Sacramentum quod gratiam non solum significat sed & operatur. Eucharistia enim græce, bonam gratiam sonat, vel quod Christum gratiæ authorem contineat, vel quod illius gratia summè in hoc Sacramento effluat, in quò creaturam proprio nutrit & a-

lit corpore. Cum item gratiarum significet actionem, vel, quod cum gratiarum actione institutum sit Sacramētum, vel quia per illud pro beneficijs susceptis grates Deo rependimus. Est autem in hora mortis, vbi precipue gratias Deo referre debemus pro tot, tantisq; in nostoto vitæ tempore collatis beneficijs.

Denique D. Chrysoftomus censet eos qui hoc cœlesti viatico refecti sunt ante exitum, ab Angelis in cœlum deduci dum inquit: *Qui de hac vita migraturi sunt, si corporis Christi pure participes fuerint, ab angelis eorum corpora more satellitum stipantibus propter huiusmodi Sacramentum assumptum re-
ta hinc in cœlum abducuntur.* Quapropter consulo vt maxima cum deuotione illud suscipias, disponasque cordis tui penetralia vt dignè, & cum fructu illud valeas recipere.

Lib. de sacerdot.

Hic poterit recitare agrotus orationes preparatorias ad Communionem.

